



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Iacobi Po[n]tani, patris Iouiani Po[n]tani.

urn:nbn:de:hbz:466:1-13534

Felix hic iaceo, male felix, quem neq; coniux,
 Nec natus sepelit, nec soror, aut genitrix,
 Non pater, aut frater. rapidæ excerpere uolucres.
 Prædaq; sum cupidis heu data uulturijs.
 Dum uarijs inhio lucris, fora multa frequento,
 Et uitam, et partas eripit hostis opes.
 Inquor præda auibus. nullum tegit ossa sepulcrū.
 Sola per ignotos umbra uagatur agros.
 Donec metumulo pastor donauit, et alno
 Infelix scripsit hac requiescit humo.
 Felix cum fuerim, nunquam post fata quieui,
 Infelix donec scribere in tumulo.

IACOBI PONTANI PATRIS
 Iouiani Pontani.

In tumulo situs est uatis pater. hoc satis esset,
 Sed pater ipse suis laudibus auctus erat.
 Cui gentilis honor. cui linguae ornatus et oris,
 Atq; togæ, atq; hastæ, cui uel utrumq; decus.
 Non est quod tumulo exoptes. cœlum ille petiuit.
 Sed uenerare pijs ossa reposita locis.
 Ante diem rapuit Iacobum mors. filius illi
 Infans quæ nequit, dat modo iusta senex.

CHRISTIANAE MATRIS. PON-
 tanus filius ad illius sepulcrum.

Optabunt tibi Christiana Musæ
 Ad bustum bene, nec mihi negabunt.